

西湖志卷十四

人物二

宋

陳襄 宋史本傳襄字述古侯官人舉慶厯二年進士與陳烈鄭穆周希孟友善稱為海濱四先生累遷樞密直學士兼侍讀時行青苗法乞貶王安石呂惠卿請罷韓絳政府以杜大臣爭利而進者風節凜然卒贈給事中諡忠文號古靈先生雍正福建通志古靈祠在郡城西關外象山祀宋學士陳

西湖志

卷十四

人物

襄

劉渙 閩書渙字孟潛侯官人隱釣北谿之上以歌詩自娛元祐中鄉人千餘薦之郡守許懋請應逸民之詔懋以聞于朝渙力辭不就榕城景物考渙自號北谿漁隱子達夫

陳瓘 閩詩錄瓘字瑩中號了翁沙縣人元豐二年進士建中靖國初官右司諫給事中崇寧中以黨籍除名編隸台州移楚州卒紹興中賜諡忠肅有了齋集閩都記瓘被放後蒙恩自便居鳳池山

劉達夫 乾隆福州府志 達夫字宣子元豐中入太學以父渙年老歲一歸省父卒遂無仕進志隱居北山崇寧中舉遺逸有司以應詔授松江主簿擢溫州教授有薦於朝者召見將任以中都官辭曰非我志也遷越州教授卒

李綱 宋史本傳 字伯紀邵武人舉政和二年進士官至觀文殿大學士知潭州荆湖南路安撫大使卒贈太師謚忠定 梁谿先生年譜 宣和元年公以論水災降官沙陽始食荔支作荔支賦建炎四年

西湖志

卷十四

人物

二

挈家邵武避盜居長樂

按宋長樂郡即今福州府治

紹興元年作

福州天寧寺記至止戈堂詩四年作桂齋上梁文荔枝後賦八年弟維巡歷來福州歎曲再旬十年正月薨葬于懷安縣大家山之原 冠悔堂筆記 李忠定公祠在西湖荷亭

朱熹

宋史本傳

熹字元晦徽州婺源人舉紹興十

八進士官終華文閣待制 烏石山志 趙汝愚知福州時朱子避黨禁入居侯官 大清一統志 福州朱子祠在西湖書院 姚循義舊志 朱子有和趙忠定

公開濬福州西湖詩

明

謝廷柱

雍正福建通志廷柱字邦用一字雙湖長

樂人宏治十二年進士授大理評事歷湖廣按察

僉事賭棋山莊筆記邦用公罷官築室孤山取西

北湖以自號曰雙湖今之湖上評事里猶以僉憲

公得名全閩詩傳學士豐熙以諫大禮謫戍閩中

寓大夢山薛文旭文易兄弟家傳汝舟築宛在堂

招高濂歸隱故雙湖集中有豐五溪及傅本虛贈

西湖志

卷十四

人物

三

答諸作

豐熙

道光福建通志熙字原學一字五溪浙江鄞

縣人宏治十二年舉殿試第二授編修世宗卽位

進翰林學士興獻王大禮議起熙偕禮官數力爭

既而尊稱禮定熙等伏哭左順門遂下詔獄掠治

杖之闕廷遣戍鎮海衛今漳熙初至戍講學著書

絕口時事或有感慨輒于吟咏發之後羈居福州

西湖十有七年隆慶初贈官賜諡

傅汝舟

乾隆福州府志汝舟字木虛一名舟號丁

戊山人一曰磊老侯官人正德中諸生方穎碧目小指有四印文年十四誦黃帝姚姒書通天官堪輿老莊諸書爲文作奏漢語少與高澱並游鄭善夫之門閩人謠曰高垂腹傅脫粟言斷斷中歌曲中歲好神仙櫻鞋箬笠遍浙吳會荆湘齊魯河洛之間丁戊山人補傳御史李元陽太守汪文盛相與交契嘗於西湖築宛在堂招高澱偕隱卒年八十餘葬福州西門眠狗山

高澱

閩書高澱字宗呂侯官人正德中布衣善書

西湖志

卷十四

人物

四

畫家貧嗜酒日酣飲醉甚卽散髮赤脚飄然舉舞又自號髯仙汪宗伊高處士墓志銘處士人皆稱爲石門山人予少卽識山人與傅子於福州豐學士諸君子多與山人友或勸之仕笑而不答鄭善夫死託以妻子山人竟出百力衛其孤雖叢謗弗顧也年四十九卒葬於懷安文山之原

馬森

道光福建通志森字孔養懷安人嘉靖十四

年進士歷官南京戶部尙書隆慶初改北部以母老乞終養歸築別業於鍾山屢召不起值衛卒亂

森諭定之萬歷八年卒諡恭敏

王應時

晉安風雅應時字懋行侯官人嘉靖二十

九年進士會試第五人歷官雲南按察使烏石山志應時晚年退居於城西之中使園曰西園構池館與族人應山應鍾郡人曹學佺徐爌爲文酒之會人爭羨之

葉向高

明史本傳向高字晉卿福清人萬歷十一

年進士授編修累遷禮部尙書兼東閣大學士是時帝倦勤朝事多廢弛而中官權稅開礦大爲民

西湖志

卷十四

人物

五

害帝又寵鄭貴妃福王不肯之國向高用宿望居相位每事執爭效忠蓋然其言皆格不用所救正十之二三而已向高爲人光明忠厚有德量好扶植善類官終少師建極殿大學士熹宗崩向高亦于是月卒年六十有九崇禎初贈太師諡文忠福州濬湖事畧萬歷十七年知府江鐸改西舊閘爲壩以蓄湖水開北閘引水入城以通河道向高爲之記菰蘆閒話向高罷相歸里徙居會城春秋佳日與客泛舟湖上酒榼茶竈常以自隨見者稱爲

神仙中人云

謝肇淛

道光福建通志肇淛字在杭長樂人萬歷

二十年進士除湖州推官累遷廣西右布政肇淛好讀書於學無不窺爲文豐腴軒霽詩靚深婉麗時罕其匹冠悔堂筆記在杭性好登臨一筇獨往陶然終日嘗自號山水勞人有小草齋集賭棋山莊筆記西湖宛在堂祀鄉先生十四人余家居其二一爲邦用公一爲在杭公

曹學佺

道光福建通志學佺字能始侯官人萬歷

西湖志

卷十四

人物

六

二十三年進士授戶部主事累遷四川按察使坐中察典議調歸構石倉園賓朋翕集一時稱盛天啟二年起廣西右叅議初挺擊獄興劉廷元輩主瘋顛學佺著野史紀畧直書本末六年改陝西副使未行而廷元附魏忠賢乃劾學佺私撰國史遂削籍崇禎初起廣西副使力辭不就嘗與董應舉議塞龍腰山路創橋城北五十里之潘渡又濬河開湖建洪山萬安桐口三橋鄉人於洪山立祠祀焉十七年聞京師陷投池中爲家人救不死唐王

至閩遷禮部侍郎修崇禎實錄進尙書明年八月唐王敗於汀州九月十九日大兵入城明日諡於西峯里第年七十有四全閩明詩傳學佺與董應舉曾濬福州西湖

董應舉

道光福建通志應舉字崇相閩縣人萬歷

二十六年進士除廣州教授擢南京國子博士累遷工部右侍郎兼戶部並理鹽政爲御史徐揚先再劾落職卒年八十三崇禎初復原官應舉好學善文在官慷慨敢任事居家建築傅海城堡疏水

西湖志

卷十四

人物

七

利置社倉皆有德於鄉全閩明詩傳應舉與曹學

佺曾濬福州西湖

陳鴻

道光福建通志鴻字叔度一字軒白侯官人

萬歷中布衣有奇才邁遠不羣曹學佺闢石倉園引置賓客賦詩一日集水閣鴻詩先成視之有一山在水次終日有泉聲二語大加歎賞由是名益著丙戌之變學佺殉節叔度年七十三不能自存以貧病死無子不能葬按察使周亮工囑諸生徐存永以莆田布衣趙之璧合葬於大夢山爲書碑

曰明詩人陳叔度趙十五合墓

趙珣

莆田縣志

珣字枝斯原名之璧字十五莆田

人萬歷中布衣珣初治舉子業嗜古好奇與時不合遂棄去胸中磊砢之氣發之於詩歌清幽激楚兼愛寫鳧雁沆瀣中飛鳴生動書亦娟韻可觀顧不樂以書畫名當道有求者非其意不肯作生平嚴取與寡交游與侯官商孟和爲至交歿偕葬於福州西郊曹學佺嘗謂孫昌裔曰吾平生閱人頗多求其超然高潔有東晉名士風如趙枝斯者指不多屈也其爲當時所推重如此嵇海叢譚十五客死福州與陳叔度合葬西湖春秋佳日士女漬酒其下往往移時不能去

孫昌裔

雍正福建通志

昌裔字子長侯官人萬歷

三十八年進士除湖州教授擢戶部主事出守杭州遷水利道改浙江提學副使得人爲盛有求不獲者以計中之昌裔聞卽治裝歸福州濬湖事略崇禎八年昌裔呈請水利道籌濬西湖

陳亨

道光福建通志

亨字蓮石侯官人崇禎十三

年進士年二十出爲松江知府福王時與廣西巡撫方震孺給事中李維樾僉都御史李光泰先後措餉募兵入衛升蘇松常鎮督糧副使南京亡退居福州西門外柳橋矮屋一椽棲止終身

陳發曾

道光福建通志發曾字世承侯官人明季諸生不求聞達家鄰城西荔水莊每談忠孝遺事掀髯奮袖娓娓不倦留心文獻凡授命諸臣咸紀其事所爲詩文亦淡遠有致子孫淪替遺集不傳

清

西湖志

卷十四

人物

九

陳丹赤

道光福建通志丹赤字獻之閩縣人順治

八年舉人授四川重慶推官擢刑部主事遷員外郎以兵部郎中出爲浙江僉事分巡溫處道康熙十三年平陽叛將司定猷通耿賊兵逼瑞安溫州副將楊春芳忽撒兵去城中官弁多通賊丹赤固守南門誓與城存亡先是總兵祖宏勳與賊通陳甲仗於城東集文武官議事欲以兵脅丹赤既至兵皆露刃夾階立宏勳曰無兵無食將何以守丹赤曰援兵前鋒已集五千何言無兵餉儲可給六

功遷山西孟壽游擊乞病歸以詩文自娛有食粟齋集康熙三十五年北庫火延及越山六賢祠必達捐貲重建及卒鄉人卽于越山祠焉

鄭開極 道光福建通志開極字肇修侯官人順治

十八年進士授編修康熙八年典試雲南尋以諭德督學浙江假歸家居四十載當事罕觀其面為人平易義有不可毅然形于詞色人敬憚之卒祀浙江名宦福州濬湖事畧康熙六年開極與陳丹赤高宮等呈請當道清復西湖

西湖志 卷十四 人物 十一

李範 乾隆福建通志範字士疇福清人康熙中諸

生性亢爽敦厲風義唐觀察使陳巖墓在郡城北郊為鄉民侵沒範出貲贖回又為立碑以表之乾隆福州府志範有金峯山莊在大夫嶺範自為之

記

林佶 烏石山志佶字吉人號鹿原侯官人受文於

長洲汪琬以拔貢入成均受詩於新城王士禎時王鴻緒修明史延佶與萬斯同互任編輯康熙三十八年舉人以楷法精工入直武英殿鈔寫御集

五十一年特賜進士佶名在第一官內閣中書家
多藏書徐乾學刻通志堂經解朱彝尊選明詩綜
皆就傳鈔著有樸學齋詩十卷文一卷小記一卷
其焦山古鼎甘泉宮瓦詩各一卷刻入昭代叢書
乾隆福建通志佶有北阡草廬在馬園山中有籐
澗佶自記

黃任 東越儒林後傳任字莘田永福人徙居省治
光祿坊康熙四十一舉人屢試禮部不第需次補
廣東四會知縣攝高要上官惡之罷歸壓裝惟端

西湖志

卷十四

人物

十一

坑石數枚詩如束筍而已任豐髯秀目面白皙工
書好賓客口若懸河一座盡傾詩源出錢劉溫李
清新有逸韻絕句猶綺靡善言情有研癖晚自號
十研老人卒年八十有八國朝詩鈔小傳任所居
矮屋三楹花竹秀野圖史縱橫飲饌裙履間具有
雅人深致閩雜記孤山舊有宛在堂久圯乾隆初
任請于官重建之會稽傅王露爲記屏麓草堂詩
話道光四年增祀任等于宛在堂

傅王露

香草齋文鈔

王露字闔林一字玉笥浙江

會稽人家於仁和康熙五十四年進士第三人授
編修歸屢主各省書院乾隆十四年巡撫潘思榘
聘主福州鼇峯書院時王露年七十餘進弟子講
藝猶磬效若洪鐘每課文雌黃甲乙作繩頭小楷
暇與州之士大夫結文酒之歡古剎名藍題咏殆
遍思榘濬西湖郡人請建宛在堂王露爲之記居
二載歸年八十六卒

何蔚然

蘭修庵避暑抄蔚然字素宜號秀巖侯官
人生六歲而孤母教之學家貧無書借人閱市老

西湖志

卷十四

人物

十三

而弗輟乾隆三十年郡試籍諸生是秋遂舉於鄉
奉母至孝母偶不懌必長跪俟霽顏乃起母年九
十二卒凡母所嗜食物不忍入口有兄三人皆早
卒撫從子慈篤備至西湖書院圯出鉅貲新之居
迎仙門外築西郊草堂藏書十萬卷性好爲詩有
孺慕軒集四卷卒年六十八子治運

陳壽祺

擘經室文集壽祺字恭甫閩縣人嘉慶四
年進士選庶吉士以經術文章與張惠言吳鼐鮑
桂星王引之齊名散館授編修典試廣東河南所

得多知名士及見碩儒錢竹汀段懋堂王懷祖程
易疇故學益精博丁父憂歸年方四十卽抱退志
公卿有薦者終不出里黨義舉多爲之倡若省會
大成殿廡明倫堂貢院號舍東西湖水利莫不首
其議桑梓利弊蒿目痍心往往直陳於大吏冀獲
挽救雖間撓逆耳弗恤也閩省舊志多誤六十餘
年文獻散失請加纂勒督撫從之乃爲之創立義
例舉才者任之而自總其成書成而病以道光十
四年卒年六十有四

何治運

道光福建通志

治運字郊海嘉慶十二年

舉人大挑用教諭未及選卒年四十七治運洽聞
強識篤嗜漢學尤精說文於近儒惠棟全祖望錢
大昕段玉裁所著往往抉其違而彌其罅兩廣總
督阮元聘修廣東通志浙撫陳若霖錄其經解及
論辨文字四卷名何氏學以爲精能之至出天入
神其未刊者公羊精義論語解詁孟子通議周書
後定傅子後定太元經補注未成者東越志姓苑
鈎沈纂文摺逸屏麓草堂詩話郊海幼歧嶷喜讀

書家迎仙門外先世事禹筴貲甲一郡大母壽致
客經月郊海携書讀於西湖書院客盡乃返左海
文集郊海爲文博奧而廉悍重氣節寡嗜好不問
家人生產廉直其天性也子廣熹

林則徐 國史本傳則徐字少穆侯官人嘉慶十六
年進士道光八年由江寧布政使丁父憂歸濬福
州西湖以興水利歷官至雲貴總督道光三十年
廣西賊起奉命視師薨於潮州年六十有六贈太
子太傅諡文忠觀我錄咸豐元年都人士奉文忠

西湖志

卷十四

人物

十五

象祀於西湖之桂齋

徐元泰 榕陰談屑元泰字東青侯官人嘉慶中布
衣使酒尚氣節以醫自給事母至孝母死廬墓大
夢山卽隱西湖以終有沈濤山寮詩集

施邦鎮 陔南山館詩話邦鎮字怡巖侯官人嘉慶
中布衣家西湖構西林畫室名輩恒從之游恬淡
簡默蓋有道人也聞之先輩曰先生幼入童子塾
戲寫人物輒肖後遂習畫善寫真凡四方之游宦
來福州及里中縉紳大夫知名士欲圖象咸曰非

施先生不可嘗從林芳問詩法林授以唐詩俾自出手眼評之而詩大進屏鹿草堂詩話怡巖性喜瀏覽有錢卽買書又於史籍中擇其古奧者習之故作小詩每有絕幽鑿險之趣然不輕以示人也夙友愛伯兄某卒能以禮贍其寡嫂數十年如一日年八十餘卒著有畫餘詩鈔

陳翊勳

射鷹樓詩話

翊勳字蘭臣侯官人道光中

布衣善彈琴家西湖陸莊門前綠水環流煙樹風帆歷歷在目詩辨香漁洋及十研情韻纏綿詞旨

西湖志

卷十四

人物

十六

婉麗佳處於唐人高湘盧澂爲近有大夢山房詩鈔

何廣熹

鷗汀漁隱筆記

廣熹字肫邁道光十九年

舉人家富圖籍寢饋其中性喜作書篆隸瘦勁適縱得漢魏遺意何氏羣從擁巨貲常以聲伎相誇喜肫邁獨潛身巖壑以書翰篇什自娛樂識者賢之

林壽圖

賭棋山莊文集

壽圖字穎叔閩縣人道光

二十五年進士歷官至山西布政使以協餉事解

職歸儉明簡齋詩集余於福州西湖書院舊址創立致用堂以古學課士延穎叔主講穎叔淹貫羣書不媿今之錢竹汀盧抱經也

方外 道教

齊

王霸 清一統志霸自齊時渡江入福州居西郊之怡山鑿井鍊藥能爲黃金歲飢鬻金市米以濟貧者後坐所居皂笊樹下蟬蛻而去唐貞元中卽其宅建冲虛宮祀之

西湖志

卷十四

人物

十七

唐

任放 萬歷福州府志放天寶中修煉於福州大鵬山王霸故宅得金版仙訣丹成上昇

按諸書均作任放獨陶隱居集作任敦晉太康中人未知孰是

宋

白玉蟾 乾隆福州府志玉蟾閩清人字白叟原姓葛名長庚七歲能文後隱武夷山事陳翠虛九年得道博洽儒書爲詩文操筆立就有白真人集閩都記玉蟾故居在浦尾官園前

方外釋教

唐

懶安

長慶寺志

懶安諱大安福州長谿陳氏子往

黃蘗山習律乘尋至南昌參百丈靈祐二禪師創

居楚之大瀉咸通八年觀察使李景溫延主本山

開堂十四年詔號延聖大師賜紫袈裟命寫開元

藏經給之中和三年秋歸黃蘗示寂明年建塔於

長慶之楞伽山詔贈圓智大師

慧寂

長慶寺志

慧寂韶州葉氏子咸通中隨瀉山

西湖志

卷十四

人物

十八

懶安長老至怡山時寺初興建規模悉師經畫及

安公示寂衆請紹席弗允遂塑像祖堂以報師德

焉

慧稜

雪峰寺志

慧稜杭州鹽官孫氏子嘗主福州

長慶賢沙二寺年十三出家蘇州通玄寺初禮靈

芸禪師自是往來雪峯玄沙二十年天祐三年泉

州刺史王延彬請住招慶梁開平閩帥請移長慶

奏號起覺大師

五代

宗一 十國春秋師備福州謝氏子幼好垂釣泛小

艇於南臺江上狎諸漁者年三十忽棄舟落髮初

住普應後遷元沙長慶寺志宗一禪師侯官人參

天台韶國師得授衣法忠懿王命師開法住持廣

平尋遷怡山本寺終焉乾隆福建通志梁開平二

年卒太祖為之樹塔學徒八百尊為宗一禪師淳

熙三山志唐長興元年立安國院宗一禪師行狀

碑

契如 閩書契如福州賢沙寺僧五代時人穎悟幽

西湖志

卷十四

人物

十九

旨不務聚徒隱於小界山剝大杉若小庵但容身

而已

寶聞 紅雨樓集寶聞福州賢沙寺僧五代時人嘗

續寶林傳四卷紀貞元後宗門繼踵之源流又別

著南嶽高僧傳行世

宋

可度 榕城景物略可度宋大中祥符間福州安國

院長老乾隆福州府志可度有箋經臺在臥龍山

品石巖

宗演

長慶寺志

圓覺宗演大師恩州人崇熙初出

世長興寺政和八年詔住上都天寧宣和改元召入內殿談玄稱旨賜紫衣乞歸五年住持本山

宗元

閩書

宗元福州連氏子依大慧禪師充怡山

長慶分座紹興間張浚帥福州以數院迎之不就歸舊里結茅號衆妙園

佛智

長慶寺志

佛智禪師吳越王之裔家於會稽

叅鍾山悟和尚命掌記室嘗主福州賢沙寺宋紹興十二年住持本山十四年秋被旨補靈隱慈甯

西湖志

卷十四

人物

二十一

太后召演法賜金襴袈裟乞歸越七年卒詔諡大悟禪師

妙心

乾隆福建通志

妙心侯官人福州怡山西禪

寺行者長慶寺志

少孤性至孝依本山薙度

閩書

母患瘋疾不能步履乃焚香告天曰妙心母老苦疾聞世取肝割股以行孝今願破腦救母望三界賜祐對空再拜左手持斧置顙門右手執木錐擊之頭裂髓出殊不痛楚急入母曰兒將何藥來吾已聞馨香矣妙心以道人與藥令煎粥和服粥成

一室皆香母一啜而盡宿疾頓瘳長老達於州賜錢帛旌之士夫多作詩贊咏焉

按乾隆福建通志載紹興三十年王師心爲福建安撫使賜妙心錢五十千絹二十匹以爲孝養者勸

佛慧

長慶寺志

佛慧字愚谷長谿人嘉定三年出

住吳門薦福移洞庭翠峯毗陵芙蓉尋住錢唐靈隱遷福州怡山號元智禪師

介石

長慶寺志

介石字法其福州人出家游大江

南北得法於華藏淳庵禪師歸住東山報國遷萬壽歷主平江之惠巖溫州之雁宕景定五年閩帥

西湖志

卷十四

人物

二十一

請住怡山

俊明

長慶寺志

俊明連江人年十二叅寂照禪師

薙度稱弟子景定間出世梅谿咸淳二年移住怡山至元間瞻八大師開西番戒於杭州移文招往明年賜號佛鑑圓照大師元貞初詔諸山長老朝京師至通州告寂

元

道傑

長慶寺志

道傑福清人爲雪竇簡公長老弟

子元貞初詔入朝奉旨補怡山法席賜號廣辯禪

師皇慶元年十月告寂全身葬於普度塔院

明

獨芳

〔菘海叢談〕獨芳字秀禪閩縣人洪武中詩僧

秀禪故名諸生棄家學佛就城南儼舍居焉不妄

接人自號白雲頭陀〔靈光北禪事蹟合刻〕明初獨

芳曾主靈光寺

明秀

〔閩書〕明秀侯官人嘉靖中鍾山寺僧有哭鄭

少谷詩云少谷高人無日起百年清淚幾時收可

憐滄海投詩夜翻作延陵挂劍秋

西湖志

卷十四

人物

二十二

續乘

〔長慶寺志〕續乘字載可漢陽人天啟六年郡

人曹學佺請住本山講楞嚴經大闡法教崇禎元

年四月八日告寂

明梁

〔長慶寺志〕明梁字華雨崇禎二年住持本山

時海禁綦嚴有賈客以湖絲寄寺爲守者所獲連

及寺衆師忘身力任至被酷刑終無異言有司廉

其誠並宥之

清

幻公

〔鐵堂詩鈔〕幻公字夢禪順治中福州西湖開

化寺僧許天玉秘花朝過幻公湖心蘭若詩云西
爽連初地林居草木晴竹陂春繫馬花嶼午啼鶯
水淡天形影山閒佛性情還期促歸旆恐一犯巖
程房櫳鬱長薄絲管出遙空魚網暮煙碧酒旗春
水紅人行千嶂外僧住百花中歌舞餘銅狄悲風
泣故宮

今禪 長慶寺志 今禪字定者惠州人幼不茹葷七
歲母喪卽發願長齋年十二夢佛舒手摩其頂遂
告父以出世志許之年二十歸宗投空隱和尚披

西湖志

卷十四

人物

二十三

剃順治十四年空公命充長慶西堂說法康熙七
年四月八日坐脫

元賢 乾隆福建通志 元賢本姓蔡建陽諸生宋儒
西山先生裔也年四十棄家削髮禮無明和尚越
十餘年母死忽歸繞棺拜畢卽去順治中圓寂年
八十一 靈光北禪事蹟合刻 永覺順治間住持靈
光北禪二寺 釋光華重修靈光寺疏 靈光寺自永
覺興復後規模始覺宏敞

法緯

長慶寺志

法緯名函濟別號壞笠黟縣人年

二十一往博山禮空隱大師凡空公所主諸刹師皆執役不離左右順治中主本山康熙十五年無疾書偈而逝

道霈 乾隆福建通志道霈字爲霖本建安丁氏子少依白雲寺深公長老繼待永覺大師稱入室弟子耿精忠叛請爲國師不就嘗興寶福白雲廣福開元四大刹還山後法門之盛人稱古佛再世云靈光北禪事蹟合刻道霈康熙間嘗主福州北禪寺

西湖志

卷十四

人物

二十四

樂說 長慶寺志樂說姓麥氏番禺人年十九造廬山參天然大師得法後歷主丹霞海幢雷峯永甯諸名刹康熙三十一年入福州住持本山越三年元旦無疾示衆預定歸期有七人入穀之語八日果端坐而逝

道源 妙吉祥館筆記道源字淨根泉州黃氏子祝髮於福州西湖開化寺爲鼓山東陽大師入室弟子乾隆四十五年住持怡山長慶

繼雲

長慶寺志

繼雲福唐陳氏子少依東林振綱

禪師剃度後叅道源大師得其法領監院事苦心
衛衆乾隆四十九年住持本山

寄塵

屏麓草堂詩話寄塵楚僧也工詩嘉慶初來

福州示寂於怡山長慶寺寺有寄公造象秀水李
生所謂流水潺潺烟漠漠夕陽憑弔一詩僧卽懷
寄長老作也

了堂

屏麓草堂詩話了堂嘉慶間福州開化寺詩

僧陳竹士洪有湖上訪了堂長老詩云分手石橋
畔斜陽下夕湖風高歸鳥疾天闊斷雲孤秋水晚

西湖志

卷十四

人物

二十五

逾碧暮山淡欲無猶存禪悅意幽興滿歸途

達一

畫餘詩鈔達一不知何許人嘉慶間挂單福

州西湖開化寺余數見之不知其能詩也及去陳
生始言之

筠修

孤蘆閒話筠修字竹禪自號石頭陀道光中

福州西湖開化寺長老工吟詠有湖山文字禪一
卷